



Na osnovu člana 70. Zakona o organizaciji organa uprave u Federaciji Bosne i Hercegovine („Službene novine F BiH“, br.35/05), a u vezi s članom 64. stav (1) tačka b) i članom 70. stav (1), (3) i (6) Zakona o javnim nabavkama („Sl. glasnik BiH“, broj: 39/14, 59/22), te preporuke Komisije za javne nabavke u Zapisniku o pregledu i ocjeni ponuda broj: 03/4-45-5910-2/2024 od 08.05.2024. godine, direktor Kantonalnog zavoda za pružanje besplatne pravne pomoći, donosi

## **O D L U K U**

### **o izboru najpovoljnijeg ponuđača**

#### Član 1.

Prihvata se Preporuka Komisije za javne nabavke za predmet ugovora “Nabavka putničkog motornog vozila” i dodjeljuje se ugovor prvorangiranom ponuđaču „Una auto“ d.o.o. Bihać, za ponuđenu cijenu iz ponude, broj: 909-200/24 od 06.05.2024. godine, u iznosu od 29.829,06 KM bez PDV-a, odnosno 34.900,00 KM sa PDV-om.

#### Član 2.

Ova Odluka stupa na snagu danom donošenja, dostavlja se svim ponuđačima koji su učestvovali u postupku javne nabavke i objavit će se na web-stranici [www.vladausk.ba](http://www.vladausk.ba).

#### *Obrazloženje:*

Postupak javne nabavke pokrenut je Odlukom o pokretanju postupka nabavke putničkog motornog vozila, broj: 14-45-166-4/24 od 24.04.2024. godine.

Ukupna procijenjena vrijednost javne nabavke iznosila je 30.000,00 KM bez PDV-a. Javna nabavka provedena je putem konkurentskog zahtjeva za dostavu ponuda.

Tenderska dokumentacija Ugovornog organa, broj: 14-45-166-5/2024 od 24.04.2024. objavljena je u sistemu „E-nabavke“, kao i Obavještenje o nabavci, broj: 33237-7-1-1-3-1/2024 od 24.04.2024. godine („Sl. glasnik BiH“, broj: 30/24).

Tendersku dokumentaciju za “Nabavka putničkog motornog vozila” sa Portala javnih nabavki preuzelo je ukupno 8 ponuđača.

Do termina zakazanog za predaju ponuda odnosno do 08.05.2024. godine do 12,00 sati pristigla jedna ponuda: „Una auto“ d.o.o. Bihać.

Komisija za nabavke je izvršila javno otvaranje ponuda i evaluaciju istih, o čemu je sastavljen Zapisnik o zaprimanju ponuda, Zapisnik o otvaranju ponuda i Zapisnik o pregledu i ocjeni ponuda, broj: 03/4-45-5910-2/2024 od 08.05.2024. godine sa preporukom o izboru najpovoljnijeg ponuđača.



Navedenim zapisnikom je konstatovano da je dostavljena ponuda ponuđača prihvatljiva za Ugovorni organ, jer ispunjavaju sve formalno pravne, lične i ekonomsko-finansijske uslove, odnosno zahtjeve ugovornog organa.

U Zapisniku o pregledu i ocjeni ponuda je sadržano vrednovanje i rangiranje prihvatljivih ponuda po kriteriju najniža cijena.

Nakon izvršene ocjene ponuda Komisija za javne nabave je predložila ugovornom organu da ugovor za predmetnu nabavku „Nabavka putničkog motornog vozila“ dodijeli ponuđaču „Una auto“ d.o.o. Bihać, prema ponudi broj: 909-200/24 od 06.05.2024. godine u iznosu od 29.829,06 KM bez PDV-a, odnosno 34.900,00 KM sa PDV-om.

Na temelju svega navedenog, kao i Preporuke Komisije za javne nabave odlučeno je kao u dispozitivu ove Odluke.

#### POUKA O PRAVNOM LIJEKU

Protiv ove Odluke može se izjaviti žalba Uredu za razmatranje žalbi BiH, putem ugovornog organa, u roku od pet dana od dana prijema ove odluke i to u pisanoj formi i u dovoljnom broju primjeraka, a koji ne može biti manji od tri.

Broj: 14-45-166-6/2024  
Bihać, 09.05.2024. godine



Direktor

Andrej Mamontov, dipl.pravnik